

Na osnovu člana 16. stav 2. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona“, broj: 7/10 i 3/23), a u vezi sa članom 15., stav (4) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 4/24 i 12/24), na prijedlog Ministarstva finansija, Vlada Zeničko-dobojskog kantona, na 51. sjednici, održanoj 18.10.2024. godine,
d o n o s i

ODLUKU

o preraspodjeli sredstava u Budžetu Zeničko-dobojskog kantona za 2024. godinu

Član 1.

(Predmet)

Odobrava se preraspodjela sredstava planiranih u Budžetu Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 12/24) između Ministarstva za obrazovanje, nauku, kulturu i sport i JU OŠ „Kulin ban“ Visoko.

Član 2.

(Način preraspodjele i namjena sredstava)

Preraspodjela sredstava planiranih u Budžetu Zeničko-dobojskog kantona za 2024. godinu, vrši se na slijedeći način:

- a) na razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, planirani rashodi na poziciji 821600 – Rekonstrukcija i investiciono održavanje, Izdaci iz budžeta 2024. godina – Izvor 10, umanjuju se za 10.000,00 KM;
- b) na razdjelu 22, budžetska organizacija 02, potrošačka jedinica 0033 – JU OŠ „Kulin ban“ Visoko, planirani rashodi na poziciji 821600 – Rekonstrukcija i investiciono održavanje, Izdaci iz budžeta 2024. godina – Izvor 10, uvećavaju se za 10.000,00 KM.

Član 3.

(Realizacija Odluke)

Za realizaciju ove Odluke zadužuju se JU OŠ „Kulin ban“ Visoko, Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 4.

(Namjena sredstava i izvještavanje)

(1) Odobrena sredstva škola će utrošiti za priključenje školskog objekta na vodovodnu mrežu a po realizovanom projektu rekonstrukcije unutrašnje i vanjske hidrantske mreže.

(2) Škola je dužna sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška sredstava.

Član 5.

(Stupanje na snagu)

Ova Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-17509/24

Datum, 18.10.2024. godine

Zenica

PREMIJER

po ovlaštenju

Dženana Čišija

DOSTAVLJENO:

1x Ministarstvo finansija,

1x Ministarstvo za obrazovanje, nauku, kulturu i sport,

1x OŠ „Kulin ban“ Visoko, putem Ministarstva,

1x „Službene novine Zeničko-dobojskog kantona“,

1x a/a.